



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u septembru 2025. godine




Monetarna kretanja u septembru 2025. godine

Ukupna novčana masa (M2) na kraju septembra 2025. godine iznosila je 41,38 milijardi KM i u odnosu na prethodni mjesec registrovano je povećanje novčane mase za 378,8 miliona KM (0,9%). Povećanje novčane mase (M2) rezultat je povećanja novca (M1) za 99,5 miliona KM (0,4%) i kvazi novca (QM) za 279,3 miliona KM (1,8%). U strukturi novca (M1), gotovina izvan banaka je smanjena za 67,4 miliona KM (0,9%), dok su prenosivi depoziti u domaćoj valuti veći za 166,9 miliona KM (0,9%). Povećanje kvazi novca (QM) rezultat je rasta prenosivih depozita u stranoj valuti za 49,7 miliona KM (1,2%), ostalih depozita u domaćoj valuti za 170,5 miliona KM (4,7%) i ostalih depozita u stranoj valuti za 59,1 milion KM (0,8%) u odnosu na prethodni mjesec.

Na godišnjem nivou, porast novčane mase (M2) u septembru 2025. godine iznosio je 3,47 milijardi KM (9,2%). Rast je ostvaren kod gotovine izvan banaka za 481 milion KM (7,1%), kod prenosivih depozita u domaćoj valuti za 2,04 milijarde KM (12,5%), kod prenosivih depozita u stranoj valuti za 269,2 miliona KM (6,6%) i kod ostalih depozita u domaćoj valuti za 699,5 miliona KM (22,7%). Ostali depoziti u stranoj valuti su smanjeni za 23,7 miliona KM (0,3%).

Monetarni agregati



Protustavka povećanju novčane mase (M2) na mjesečnom nivou u septembru 2025. godine u iznosu od 378,8 miliona KM (0,9%) je smanjenje neto strane aktive (NSA) za 263 miliona KM (1,1%) i povećanje neto domaće aktive (NDA) za 641,7 miliona KM (3,6%). Porast novčane mase (M2) na godišnjem nivou od 3,47 milijardi KM (9,2%) rezultat je porasta neto strane aktive (NSA) za 1,1 milijardu KM (5,1%) i neto domaće aktive (NDA) za 2,37 milijardi KM (14,6%).

Monetarni pregled

	Stanje u mil. KM IX 2025	Mjesečne promjene u mil. KM			Godišnje stope rasta u %		
		VII 2025	VIII 2025	IX 2025	VII 2025	VIII 2025	IX 2025
Aktiva							
1. Neto strana aktiva	22.762,4	814,8	445,6	-263,0	6,1	7,0	5,1
1.1. Strana aktiva	24.787,4	858,0	438,1	-268,4	6,4	7,2	5,3
1.2. Strana pasiva	-2.025,0	-43,2	7,5	5,4	10,5	10,0	8,5
2. Neto domaća aktiva	18.617,3	-247,8	69,0	641,7	11,4	11,5	14,6
2.1. Potraživanja od centralne vlade (neto), kantona i opština	1.520,6	-327,0	-188,7	288,4	103,3	55,9	66,8
2.2. Potraživanja od domaćih sektora	26.628,4	128,4	91,2	349,1	9,4	9,5	10,1
2.3. Ostale stavke	-9.531,7	-49,2	166,5	4,2	13,2	10,2	7,8
Pasiva							
1. Novčana masa (M2)	41.379,7	566,9	514,7	378,8	8,4	8,9	9,2
1.1. Novac (M1)	25.738,4	473,4	552,7	99,5	10,2	11,1	10,9
1.2. Kvazi novac (QM)	15.641,3	93,5	-38,0	279,3	5,5	5,4	6,4

Kreditni

Ukupni krediti domaćim sektorima na kraju septembra 2025. godine iznosili su 27,79 milijardi KM, u odnosu na prethodni mjesec zabilježeno je povećanje kredita od 348,3 miliona KM (1,3%). Kreditni rast je registrovan kod sektora stanovništva za 134,2 miliona KM (1,0%), kod privatnih preduzeća za 200,2 miliona KM (1,8%) i kod ostalih domaćih sektora za 20,5 miliona KM (5,6%). Smanjenje kreditnog rasta na mjesečnom nivou zabilježeno je kod vladinih institucija za 1,6 miliona KM (0,1%) i kod nefinansijskih javnih preduzeća za 5 miliona KM (0,7%).

Godišnja stopa rasta ukupnih kredita u septembru 2025. godine iznosila je 10,2%, nominalno 2,58 milijardi KM. Godišnji rast kredita registrovan je kod sektora stanovništva za 1,42 milijarde KM (11,2%), kod privatnih preduzeća za 820,3 miliona KM (7,8%), kod vladinih institucija za 80,1 milion KM (6,6%), kod nefinansijskih javnih preduzeća za 153,5 miliona KM (26,9%) i kod ostalih domaćih sektora za 107,4 miliona KM (38,3%).

Sektorska struktura kredita

	Stanje u mil. KM IX 2025	Mjesečne promjene u mil. KM			Godišnje stope promjene u %		
		VII 2025	VIII 2025	IX 2025	VII 2025	VIII 2025	IX 2025
Ukupno	27.791,8	128,8	-23,1	348,3	9,8	9,5	10,2
Od toga:							
Stanovništvo	14.080,9	171,6	108,4	134,2	10,7	10,9	11,2
Privatna preduzeća	11.303,2	-113,6	-20,2	200,2	6,5	6,5	7,8
Vladine institucije	1.295,1	1,3	-110,0	-1,6	16,4	8,1	6,6
Javna preduzeća	725,1	47,8	-6,8	-5,0	24,4	26,6	26,9
Kreditni ostalim domaćim sektorima	387,5	21,8	5,5	20,5	29,2	31,4	38,3

Depoziti

Ukupni depoziti domaćih sektora na kraju septembra 2025. godine iznosili su 36,23 milijarde KM, u odnosu na prethodni mjesec depoziti su povećani za 189,2 miliona KM (0,5%). Povećanje depozita na mjesečnom nivou registrovano je kod sektora stanovništva za 116,1 milion KM (0,6%), kod privatnih preduzeća za 211,9 miliona KM (2,6%), kod nefinansijskih javnih preduzeća za 43,2 miliona KM (2,3%) i kod ostalih domaćih sektora za 5,9 miliona KM (0,3%). Kod depozita vladinih institucija zabilježeno je smanjenje za 187,8 miliona KM (3,7%).

U strukturi depozita stanovništva, najveći dio se odnosi na transakcione račune (49,7%), koji su porasli za 0,5%, depoziti po viđenju (20,4%) su veći za 0,6%, dok su oročeni depoziti (29,9%) veći za 0,9% u odnosu na prethodni mjesec.

Godišnja stopa rasta ukupnih depozita u septembru 2025. godine iznosila je 10,3%, što je u apsolutnom iznosu 3,39 milijardi KM. Godišnji rast depozita registrovan je kod sektora stanovništva za 1,95 milijardi KM (11,5%), u čijoj strukturi su transakcioni računi porasli za 17,3%, depoziti po viđenju za 6,1% i oročeni depoziti za 6,5%. Rast depozita je također zabilježen kod privatnih preduzeća za 764 miliona KM (9,9%), kod vladinih institucija za 624,8 miliona KM (14,8%) i kod ostalih domaćih sektora za 71,4 miliona KM (3,6%). Depoziti su na godišnjem nivou smanjeni kod nefinansijskih javnih preduzeća za 11,9 miliona KM (0,6%).

Sektorska struktura depozita

	Stanje u mil. KM IX 2025	Mjesečne promjene u mil. KM			Godišnje stope promjene u %		
		VII 2025	VIII 2025	IX 2025	VII 2025	VIII 2025	IX 2025
Ukupno	36.228,6	1.115,3	395,9	189,2	9,6	10,4	10,3
Od toga:							
Stanovništvo	18.883,3	212,1	169,7	116,1	11,4	11,3	11,5
Privatna preduzeća	8.487,5	71,9	194,3	211,9	6,4	8,3	9,9
Vladine institucije	4.853,1	729,9	25,2	-187,8	15,6	18,5	14,8
Javna preduzeća	1.943,6	80,4	5,0	43,2	-3,7	-5,2	-0,6
Depoziti ostalih domaćih sektora	2.061,1	21,0	1,7	5,9	7,8	8,6	3,6

Devizne rezerve

Devizne rezerve Centralne banke BiH na kraju septembra 2025. godine iznosile su 17,92 milijarde KM i na godišnjem nivou su povećane za 1,06 milijardi KM (6,3%).